



## **KOMUNIKADO PA PRENSA**

*Fecha*  
11-09-2017

*Accountmanager Komunikashon*  
Jhanirha Da Costa Gomez-Anita

*Email*  
[jhanirha.anita@gobiernu.cw](mailto:jhanirha.anita@gobiernu.cw)

### **Kònròl di lista di petishon pa tereno di èrfpagt pa bibienda**

**Willemstad – Domeinbeheer ta partisipá ku a hasi kònròl di e lista di petishon pa tereno di èrfpagt pa bibienda. Manera ta konosí, solamente personanan ku ta kumpli ku e siguiente tres eksigenshanan por ta inskribí riba e lista di espera: 1) E persona mester ta habitante di Kòrsou, inskribí na Registro Sivil Kranshi, 2) E persona mester tin por lo ménos 18 aña di edat, 3) E persona no mag tin un tereno òf otro propiedat registrá na Kadaster kaba. Esaki ta nifiká, ku un persona ku no ta biba na Kòrsou i no ta inskribí na Kranshi, òf ku ta doño di un tereno kaba, no ta bin na remarke pa un tereno di Gobièrnu.**

A hasi e kònròl di e lista di petishon a base di komparashon ku e registronan di Kranshi i Kadaster. E petishonnan ku segun e kònròl no ta kumpli ku e eksigensianan menshoná, no ta válido i a keda eliminá. Entrante 1 di sèptèmber Domeinbeheer a kuminsá manda karta pa informá kada persona ku su petishon a keda eliminá. E karta ta bai na e adrès kaminda e persona ta inskribí segun registrashon di Kranshi.

Den kaso ku un persona no ta di akuerdo ku eliminashon di su petishon, e por entregá un keho denter di un periodo di 6 siman despues di e fecha di e karta, serka: Domeinbeheer, Komishon di Kehu, adrès ta World Trade Center (WTC) IBC.II.C-B. Kada keho lo keda atendé. Nos ta konsiderá e informashon aki komo un aviso ofisial na pueblo en general. Domeinbeheer ta konta ku koperashon di tur envolví pa laga e proseso aki kana den forma efisiente.